

Oduber Contractors trahando mas di 60 aña na San Nicolas

Refineria si of no!

ORANJESTAD - Segun ehecutivonan di Oduber Contractors a haci nan analisis pa loke ta e posibel Reapertura di un refineria aki na Aruba. Segun e compania local, cu a traha mas di 60 aña na San Nicolas, esaki no por ta topico di dilema ningun parti di mundo, pasobra esaki ta regarda interes general di bo pais pues un interes comun.

Si aki na Aruba pueblo mester kies entre Hotel y Refineria na San Nicolas ta casi sigur cu mayoria lo scoge refineria paso ya pueblo sa tur e beneficio nan cu esaki por brinda. Hotelnan na San Nicolas no a prueba ainda pa San Nicolas.

Ora cu Bahia a mostra interes di Hotel na Baby Beach nan tabata sa cu e refineria tabata t'ey pa hopi tempo caba y cera desde 2012, pero semper cu posibilidad di un posibel reapertura. Nos ta di opinion cu e plan di Bahia por bay door masha bon pesar di e refineria pasobra e ta basta mas pariba y practicamente casi nunca e huma di e refineria ta bolter bay pariba, porta un bes pa aña so durante temporada di horcan.

Mester tene na mente cu tempo di Lago tabata tin tur e Mericanonan den e Bungalownan. Den Colony tabata manera hotelnan di turista tabata bay Esso Club, Rodgers Beach y Baby Beach sin cu e efecto di refineria a molestia nan, te hasta un Hospital tabata tin eyan. Asina ta e refineria y hotel por biba banda di otro sin problema.

Ehecutivonan di e compania Oduber ta lamenta e echo cu Bahia ta bisa awor cu e no kier sigui mas cu e Proyecto awor cu e refineria tin posibilidad di habri bek. Gran parti di pueblo di San Nicolas tin masha tempo caba ta resa pa e refineria habri bek. Lago a funciona 60 aña, Coastal/El Paso/Valero un otro 22 aña mas.

Si Citgo por haci un last lap di 10 pa 15 aña mas prome cu nos yama e refineria ayo pa semper lo ta un bendicion, esaki lo duna mas espacio



pa sigui diversifica. Mester tene na cuenta tambe cu Repsol por dicidi pa cuminsa bora pronto y si Aruba ta bendiciona cu hallazgo signicativo di gas of petroleo anto e ora ey green tin cu pay acompaña cu otro fuente side by side. Na Hulanda mes e agricultor nan ta haya pa uza e gas CO2 di e emision di e stacknan di e refineria Shell pa manda esaki na e GREEN houses uzando tubonan kilometer largo.

Na e momento nan aki no tin claridad con Citgo lo kier run e refineria sea ta cumpra esaki of huur e. Si ta huur anto mester bay haci mescos cu Corsou a haci cu PDVSA. Pero esaki lo encera cu Valero mester pasa e refineria bek na Aruba simbolicamente pa un dollar e ora Valero lo exige pa absolve nan di e responsabilidad di desmantelacion y kita tur liabilities di medio ambiente.

Na Corsou a huur e refineria cu PDVSA pero nan a tuma e transshipment y fuel distribution over lantando un compania estatal "Curoil", nos por haci mescos na Aruba lantando un compania estatal "Aru-oil".

Por hasta purba por ehempel traha un contract di "X" añanan cu Citgo cu un clausula cu si nan kier cera prome cu tempo stipula cu nan lo keda responsabel pa desmantelacion. Si en caso nan nenga esaki anto e ora

obliga e di tuma e riesgo mescos cu Corsou a tuma.

Gobierno

Gobierno su financia lo mehora mesora cu e refineria y riba un termino hopi cortico di manera cu gobierno no mester sigui cu posibel mas medida.

E hotel lo keda cla te aki 3 aña pa por contribui manera debe ser. E refineria ta e solucion di biaha pa Aruba su problema di financia, debe y desempleo. Tambe den educacion e school tecnico, nan por cuminsa produci welderdonan local y mashinista bek, asina crea mas oportunidad pa empleo pa nos propio hende nan den futuro.

Y nos futuro muchanan cu ta sali for di school lo no tin nodo di lanta pa bira waiter so, mester keda diversifica bo pais y nunca depende di solamente di turismo so. Mester gara e oportunidad aki cu dos man y no laga esaki scapa nos hamas. Nunca laga Aruba depende di turismo so. Ta mas cu obvio cu e GDP di 15% di Refineria versus 2% di Hotel pa compara cual industria lo genera mas pa Aruba.

Salario

Salario den sector industrial manera un refineria ta mucho mas halto cu e sector hotelero apoyando asina e poder di compra cu lo yuda e economia. Tin hopi Arubiano

cu obligatoriamente ta trahando den exterior tin gana di bin cas bek. E refineria lo brinda mucho mas cupo di trabou cu hopi mas tipo di ofishi tanto direct como indirect, Contratasta, Suppliers Services, etc. y tantísimo otro domino/spin off/ efectonan ripple positivo pa henter e isla.

Contribucion na comunidad

Nos no mester lubida cu presencia di refineria semper a contribui cu Comunidad. Lago p.e. a traha e Lago sportpark na San Nicolas, Coastal a haci donacion pa drecha esaki, Lago tabata yuda YMCA igual Coastal y Valero. Coastal a haci donacion di e mashin di MRI na Hospital na beneficio di e comunidad, etc., etc. E realidad ta cu e presencia di un refineria semper a comporta su mes como un bon ciudadano pa Aruba.

Salud

Aruba a biba mas cu 80 aña cu e refineria, awor cu reapertura kier bin ta pretende cu e no ta bon pa salud? Mayoria di trahadonan di Lago a biba largo y si ta door di e huma casi nunca e huma di e refineria ta bolter bay pariba, porta un bes pa aña so durante temporada di horcan

Condicion di e Refineria
E condicion di e Refineria actualmente ta den un

condicion rasonabel pa por haci e reapertura posibel. Cu un turn around grandi por logra pa lanta e plantanan bek pa despues sigui drecha tur cos necesario pa keda draai normal bek, un trabou asina por dura mas o menos te cu 6 luna mes. E piernan di Reefberth 1 y Reefberth 2 y su catwalks a wordo drecha tambe a service e loading arms tur pa Oduber Contractor durante periodo 2012 y 2013. Recientemente tambe a drecha hopi pipelines di Fingerpier #2. Hopi tanki nan den Valero Transshipment section tambe a wordo drecha y upgraded.

Desaroyo Hotelnan

Tempo Captain Rodgers a studia e luga unda por pone e Refineria na 1924 a haci un bon trabou di scoge e parti di costa mahos y profundo y a laga e naturaleza bunita manera Baby Beach y Rodgers Beach etc. afo. Si desmantelacion di e refineria bin mes den futuro, e tereno aki no ta mucho adecuado pa desaroyo di Hotelnan. Ta mucho costoso pa traha beachnan artificial ademas e tereno ta mucho contaminada. Proyectonan di hotel por keda pariba di e Refineria y talbes e tereno di Refineria por wordo uza pa otro tipo di industria nan manteniendo e wafnan pasobra con cu bay bin mester keda importa y almancena combustibel pa uzo local. Mester keda enfatisa e importancia di un posibel reapertura di e Refineria cu no ta suppose di stroba e desaroyo di Hotelnan, tuma un ehempel di DFM. Hickenson, e Refineria tabata t'ey pero nada no a stroba e di traha su Hotel net dilanti porta di e Refineria.

Conclusion:

Conclusion y alabes opinion di Oduber Contractor, un compania local cu a traha mas di 60 aña den e Refineria, empleando miles di trahado durante tur e transcurso di añanan y cu sa ki balor e Refineria tin pa e isla en general ta pa habri e Refineria bek mas pronto cu ta posibel. Nos ta di opinion cu Hotel y Refineria por coexisti. Ohala cu Aruba ta bendiciona pa cu Repsol por haya gas pronto tambe. □